



**KENYATAAN AKHBAR  
KEMENTERIAN KESIHATAN MALAYSIA**

**TINDAKAN PENGUKUHAN PENCEGAHAN DAN PENGAWALAN  
PENYAKIT CORONAVIRUS 2019 (COVID-19) BAGI PENGEMBARA DARI  
LUAR NEGARA**

Sehingga 6 Disember 2021, sebanyak 43 buah negara telah melaporkan kes COVID-19 jangkitan varian baharu Omicron. Daripada 43 buah negara tersebut, lapan (8) negara telah dikenakan sekatan perjalanan sementara bermula 27 November 2021 dan lima (5) negara lain telah melaporkan penularan varian Omicron dalam komuniti. Negara-negara tersebut adalah seperti berikut:

<b>BIL</b>	<b>Negara dikenakan sekatan perjalanan sementara</b>	<b>BIL</b>	<b>Negara melaporkan penularan varian Omicron dalam komuniti</b>
1	Afrika Selatan	1	United Kingdom
2	Botswana	2	Amerika Syarikat
3	Eswatini	3	Australia
4	Lesotho	4	Perancis
5	Mozambique	5	Norway
6	Namibia		
7	Zimbabwe		
8	Malawi		

***\*Senarai ini akan dikemaskini dari semasa ke semasa***

Sehubungan itu, bagi mencegah kemasukan dan penularan varian ini di Malaysia, Kementerian Kesihatan Malaysia (KKM) ingin memaklumkan

tindakan pengukuhan kepada langkah-langkah pencegahan dan kawalan sedia ada ke atas pengembara yang tiba di Malaysia bagi kategori berikut:

1. *Vaccinated Travel Lane* (Udara);
2. *Vaccinated Travel Lane* (Darat);
3. Gelembung Pelancongan Antarabangsa Langkawi (LITB);
4. *One Stop Centre* (OSC) untuk pelawat perniagaan jangka pendek;
5. Pengembara dari negara-negara yang dikenakan sekatan perjalanan sementara; dan
6. Pengembara dari negara yang melaporkan penularan varian baharu Omicron dalam komuniti.

Bagi **pengembara di bawah kategori 1 hingga 4**, tindakan pengukuhan kepada langkah-langkah pencegahan dan kawalan sedia ada adalah seperti berikut:

- Pengembara mestilah telah **lengkap divaksinasi**
- **Ujian PCR COVID-19** dilakukan dalam masa **2 hari sebelum berlepas ke Malaysia**, menggantikan prosedur terdahulu yang menetapkan 72 jam sebelum berlepas.
- Ujian pengesanan COVID-19 semasa ketibaan di Malaysia.
- **Ujian RTK-Ag** atau ujian pantas antigen (**kendiri**) pada hari **ke-2, ke-4, dan ke-6** selepas ketibaan.
- **Ujian RTK-Ag** atau ujian pantas antigen (**professional**) pada hari **ke-3 dan ke-5** selepas ketibaan.

Semua keputusan ujian perlu dilaporkan melalui aplikasi MySejahtera.

Bagi pengembara di bawah **kategori 5 dan 6**, tindakan pengukuhan kepada langkah-langkah pencegahan dan kawalan sedia ada adalah seperti di bawah:

**(a) Negara dikenakan sekatan perjalanan sementara (Warganegara dan pemegang pas lawatan jangka panjang):**

- **Ujian PCR COVID-19** mesti dilakukan dalam masa **2 hari sebelum berlepas ke Malaysia.**
- **Pemakaian peranti pengesanan digital** sepanjang tempoh kuarantin wajib.
- Kuarantin wajib selama 14 hari di stesen kuarantin tanpa mengira status vaksinasi.
- Prosedur kuarantin dan pengujian semasa ketibaan dan sepanjang tempoh kuarantin adalah mengikut prosedur sedia ada.

**(b) Negara melaporkan penularan varian Omicron dalam komuniti (Warganegara dan bukan warganegara):**

- **Ujian PCR COVID-19** mesti dilakukan dalam masa **2 hari sebelum berlepas ke Malaysia.**
- **Pemakaian peranti pengesanan digital** sepanjang tempoh kuarantin wajib.
- Tempoh kuarantin bergantung kepada status vaksinasi
- Prosedur sedia ada yang diumumkan sebelum ini masih berkuatkuasa.

Maklumat terperinci berkaitan jenis dan kekerapan ujian yang perlu dilakukan oleh pengembara yang memasuki Malaysia serta syarat-syarat lain yang ditetapkan, dijelaskan dalam **Lampiran 1. Keperluan-keperluan ini berkuatkuasa mulai 8 Disember 2021.** Tindakan pengukuhan ini akan disemak dari semasa ke semasa.

**KHAIRY JAMALUDDIN**  
**Menteri Kesihatan**

**7 Disember 2021**

**Penularan Varian Omicron Dan Pengukuhan Pengurusan Pengembara Yang Memasuki Malaysia**

Bil.	Kategori Pengembara	Protokol baharu berkuatkuasa pada 8 Disember 2021
1.	<p>Pengembara (Warganegara dan pemegang pas lawatan jangka panjang) yang tiba Dari Negara yang dikenakan sekatan perjalanan sementara:</p> <ul style="list-style-type: none"> <li>i. Afrika Selatan</li> <li>ii. Botswana</li> <li>iii. Eswatini</li> <li>iv. Lesotho</li> <li>v. Mozambique</li> <li>vi. Namibia</li> <li>vii. Zimbabwe</li> <li>viii. Malawi</li> </ul> <p>Nota - Senarai ini akan dikemaskini dari semasa ke semasa</p>	<ul style="list-style-type: none"> <li>● Kuarantin di stesen kuarantin selama 14 hari</li> <li>● Tidak dibenarkan <i>time off</i></li> <li>● <b>Ujian PCR COVID-19 dalam tempoh 2 hari sebelum berlepas</b></li> <li>● Ujian RT PCR semasa ketibaan.</li> <li>● Ujian RT PCR hari ke-10 kuarantin</li> <li>● Dipakaikan digital tracker</li> <li>● Penilaian risiko hari ke-14 dan lanjutan kuarantin sekiranya perlu.</li> <li>● Dibebaskan dari kuarantin pada hari ke-15 sekiranya tiada pelanjutan kuarantin dan ujian PCR hari ke-10 adalah negatif COVID-19.</li> </ul>

<p>2.</p>	<p>Pengembara yang tiba dari Negara* Berikut:</p> <ul style="list-style-type: none"> <li>i. United Kingdom</li> <li>ii. Amerika Syarikat</li> <li>iii. Australia</li> <li>iv. Perancis</li> <li>v. Norway</li> </ul> <p><i>*Nota: Senarai negara yang berisiko tinggi dengan penularan varian Omicron dalam komuniti sehingga 6 Disember 2021. Senarai ini akan dikemaskini dari semasa ke semasa</i></p>	<ul style="list-style-type: none"> <li>● <b>Ujian PCR COVID-19 dalam tempoh 2 hari sebelum berlepas</b></li> <li>● Ujian PCR COVID-19 semasa ketibaan</li> <li>● <b>Pemakaian peranti pengesanan elektronik (<i>digital tracker</i>) semasa ketibaan di PMA</b></li> <li>● Kuarantin wajib; 7 hari atau 10 hari bergantung kepada status Vaksinasi</li> <li>● Tempat kuarantin sama ada di rumah kediaman atau stesen kuarantin, mengikut kelulusan HQA</li> <li>● <b>Ujian PCR pada hari ke-5 (untuk kuarantin 7 hari) dan hari ke-8 (untuk kuarantin 10 hari)</b></li> <li>● Penilaian risiko pada hari terakhir kuarantin (pada hari ke-7 atau hari ke-10). Tempoh kuarantin dilanjutkan sekiranya bergejala</li> <li>● Dibebaskan dari kuarantin pada hari ke-8 atau ke-10 sekiranya tiada pelanjutan kuarantin dan ujian PCR hari ke-5 atau hari ke-8 adalah negatif COVID-19.</li> </ul>
<p>3.</p>	<p>Gelembung Pelancongan Antarabangsa Pulau Langkawi</p>	<ul style="list-style-type: none"> <li>● Dibenarkan untuk pengembara <b>SELAIN daripada</b> yang datang dari lapan (8) negara yang dikenakan sekatan perjalanan sementara</li> <li>● Perlu jalani ujian PCR COVID-19; <ul style="list-style-type: none"> <li>● dalam tempoh <b>2 hari sebelum berlepas</b> dan</li> <li>● semasa ketibaan di Pintu Masuk Antarabangsa negara (PMA) Langkawi. Diberikan <i>Digital HSO</i> dan boleh terus ke hotel penginapan sementara menunggu keputusan ujian bagi sampel yang diambil di PMA Langkawi</li> </ul> </li> <li>● <b>Tambahan ujian</b> sebagaimana berikut: <ul style="list-style-type: none"> <li>● Menjalani <b>ujian pantas antigen (professional)</b> pada hari ke-3 dan ke-5 semasa berada di Pulau Langkawi;</li> </ul> </li> </ul>

		<ul style="list-style-type: none"> <li>• Menjalani <b>ujian pantas antigen (kendiri)</b> pada hari ke-2, ke-4 dan ke-6 semasa berada di Malaysia. Individu terlibat bertanggungjawab untuk melaporkan keputusan ujiannya melalui aplikasi MySejahtera.</li> <li>• Menjalani <b>ujian PCR / rapid molecular</b> COVID-19 dalam tempoh <b>2 hari sebelum berlepas keluar</b> dari Pulau Langkawi</li> </ul>
4.	Laluan Perjalanan Lengkap Vaksin Melalui Udara Di Antara Malaysia-Singapura ( <i>VTL-Air dan VTL-Land</i> )	<ul style="list-style-type: none"> <li>• Hanya untuk pengembara lengkap vaksin COVID-19</li> <li>• Perlu jalani ujian dalam tempoh 2 hari sebelum berlepas ke Malaysia <ul style="list-style-type: none"> <li>• PCR COVID-19 bagi <i>VTL-Air</i>.</li> <li>• RTK Ag (professional) atau PCR COVID-19 bagi <i>VTL-Land</i></li> </ul> </li> <li>• Ujian semasa ketibaan di Malaysia; <ul style="list-style-type: none"> <li>• PCR COVID-19 di KLIA/klia2 bagi <i>VTL-Air</i></li> <li>• RTK Ag (professional) di Terminal Bas Larkin Sentral, Johor Bahru bagi <i>VTL-Land</i></li> </ul> </li> <li>• Tidak perlu menjalani tempoh kuarantin wajib</li> <li>• <b>Tambahan bilangan ujian</b> sebagaimana berikut: <ul style="list-style-type: none"> <li>• Menjalani <b>ujian pantas antigen (professional)</b> pada hari ke-3 dan ke-5</li> <li>• Menjalani <b>ujian pantas antigen (kendiri)</b> pada hari ke-2, ke-4 dan ke-6</li> </ul> </li> <li>• Individu terlibat bertanggungjawab untuk melaporkan keputusan ujiannya melalui aplikasi MySejahtera</li> <li>• Keperluan pengujian tambahan ini juga perlu dilaksanakan dalam kalangan pengembara skim <i>VTL</i> yang kembali ke Malaysia dari Singapura.</li> </ul>
5.	Pelawat Perniagaan Jangka Pendek (STBT - <i>Short term business traveller</i> ) Yang Memasuki Malaysia Melalui	<ul style="list-style-type: none"> <li>• Hanya untuk STBT lengkap vaksin COVID-19</li> <li>• Perlu menjalani ujian PCR COVID-19; <ul style="list-style-type: none"> <li>• dalam tempoh <b>2 hari sebelum berlepas</b> dan</li> <li>• semasa ketibaan di Pintu Masuk Antarabangsa negara (PMA) seperti di <i>Business Traveller Centre</i>, KLIA</li> </ul> </li> </ul>

<p>Platform <i>One Stop Centre</i> (OSC) Yang Disediakan Oleh MIDA</p>	<ul style="list-style-type: none"><li>• Tidak perlu menjalani kuarantin wajib</li><li>• Tempoh tinggal di Malaysia terhad kepada bilangan hari yang telah diluluskan oleh Jawatankuasa OSC dan tidak melebihi dari 14 hari</li><li>• Perlu mengikuti jadual program terkawal (<i>controlled itinerary</i>) yang telah diluluskan oleh Jawatankuasa OSC</li><li>• Perlu diiringi oleh <i>liaison officer</i> (LO) yang disediakan oleh MIDA</li><li>• <b>Tambahan ujian</b> seperti berikut:<ul style="list-style-type: none"><li>• Menjalani <b>ujian pantas antigen (professional)</b> pada hari ke-3 dan ke-5</li><li>• Menjalani <b>ujian pantas antigen (kendiri)</b> pada hari ke-2, ke-4 dan ke-6.</li></ul></li><li>• Bertanggungjawab melaporkan keputusan ujian melalui aplikasi MySejahtera dan LO perlu memastikan ianya dilaksanakan.</li></ul>
--	---